

SHWBIZ KLIP

BON DIA



Carchi ta riba mercado!

P'e gran concierto "Hey... ta Pasco!" di Edjean



Falta un poco menos cu dos (2) siman p'e anochi historico aki, unda Edjean Semeleer un biaha mas lo presenta otro concierto fenomenal yamai "Hey... ta Pasco!".

T'e asina leu cu masha anticipacion, diabierna ultimo carchi di entrada a sali riba mercado obtenibel sea yamando na 593-3790 y 563-3333 of por pasa n'e dos (2) otro puntonan di venta cu ta CD & More na Cumana y na Ticket Plus den Hendrikstraat. E dos (2) puntonan aki ya caba ta sintiendo cu tin un bon coriente y te hasta e temperatura p'e concierto poco poco ta subiendo.

Mirando e interes cu tin mas e entusiasmo y con e reaccion di e publico ta, por hasta premira un biaha mas cu e concierto "Hey... ta Pasco!" lo ta completamente yen.

Percura p'abo tey presente e anochi unico aki, cu ta priminti di bira un experiencia inolvidabel e historico cu sigur e no lo ripiti.

E aña'ki, e concierto lo conta cu artistanan grandi y stima den

nos comunidad por ehempel e simpatica Landa Henriquez, e talentoso Humphrey Obispa, e concentinan di Grupo di Betico, e voz angelical di Jeanedy Semeleer, como tambe Nancy Ramos cu lo entretene y deleita tur presente cu nan exitonan cu nos tur gusta den e temporada di fin di aña.

E protagonista di henter e proyecto aki ta un biaha mas Edjean Semeleer cu ta hopi contento y gradeci n'e forma con e fanatico y pueblo en general ta responde p'e concierto "Hey... ta Pasco!". Asina ta e invitacion cordial t'ata completamente extendi n'abo cu ainda no tin bo carchi di entrada, pa no warda te ultimo ya cu no ta garantisá cu lo bai tin carchi na porta di Renaissance Convention Center.

Asina ta e lo ta un placer di por wak un biaha mas un concierto espectacular, bon poruci y hinka den otro cu trmendo escenario den Renaissance Convention Center dia 9 december cu musiconan di taya encabesa

pa Hildward Croes.

Un anochi un cu nos lo bisa otro "Hey... ta Pasco!"..... asinita busca bo carchi na CD & More na Cumana y na Ticket Plus situa na Hendrikstraat plus bo por yama libremente na 593-3790 of 563-3333.

